

## Hausthelsing frå FAU ved Høyanger skule

Vi håpar de alle har hatt ein god og flott sommar. FAU har også vakna litt til liv. Som ei oppfølging av punkt 3 i sommarhelsinga frå juni der vi under «*Budsjett, prosess og prioritering*» etterlyser ...*gode prosessar som involverer elevar, tilsette og foreldre*.

Forrige veke fekk vi melding frå dugnadsgjengen i skulemusikken. Dagen før eit avtalt besøk i 2. klasse fekk dei melding frå skulen: Reklame for aktivitetar som kostar – eller på sikt kostar, er forbudt på skulen. Dette vart bestemt på rektormøte onsdag.

Vi etterlyser (nok ein gang) informasjon, involvering og prosessar i slike avgjerder. Seinast på dialogmøtet før ferien tok vi opp konkrete prosessar der [skulen/oppvekst tek avgjerder og køyrer prosessar](#) utan informasjon, involvering av verken foreldre eller elevar. Vi meiner dette no må takast grundig tak i, rimeleg umiddelbart på “heile fjøla”. Frå kommunedirektør, til oppvekstjef – til den enkelte kontaktlærar. Vi må spele på lag.

Er det ikkje naturleg å involvere både FAU, elevråd og SU/SMU – i ei slik avgjerd? FAU er ikkje ein gong informert. Vi finn heller ikkje info om dette nokon stad. Det er heller ikkje etablert kultur/rutinar for produksjon/publisering av referat frå relevante fora (t.d. rektormøte), slik vi etterlyste i [dialogmøte](#).

I dialogmøtet før sommaren [var det sagt](#) «*Det er (som mor) vanskeleg å finne ut kva tilbod som faktisk eksisterer*». På det same møtet uttalte oppvekstsjef at «*Det er på FRITIDA ungdata viser dei største utfordringane*». FAU etterlyste også ei oversikt over fritidstilbod for ungdom. Eit innspel vi forstod oppvekstsjefen ville ta opp med kultursjef. Vi gjentok dette i sommarhelsinga, då for aktivitetar i sommar. Vi kan ikkje sjå dette er prioritert, verken til sommaren eller i arbeidet med ny heimeside for kommunen.

Om vi skal meine noko om avgjersla ism. skulemusikken: Vi kan ikkje sjå at avgjersla er heimla nokon annan stad enn ei «lokal Høyanger-lov». I utdanningsdirektoratet si rettleiing, [Reklame i skolen](#), står følgjande i eit eige kapittel om dette temaet:

### **3.5 Unntak fra bestemmelsen – reklame fra lokalt kulturliv:**

*Reguleringen av reklame i opplæringsloven § 9-6 og privatskoleloven § 7-1a er ikke tenkt å ramme denne formen for reklame.*

*Det fremgår her at hensikten med bestemmelsen ikke er å vanskeliggjøre vilkårene for det lokale kulturlivet. Det må derfor legges til grunn at henvendelser til skolen fra lokalt kulturliv om å få sette opp reklameplakater og spre materiell for konserter, utstillinger eller andre kulturelle tiltak med et ikke-kommersielt preg bør aksepteres.*

Vi minner enno ein gang om at kommuneplanen sin samfunnsdel har kun eitt overordna mål: *Høyanger kommune skal i planperioden auke talet innbyggjarar i aldersgruppa 20-40 år.*

For  
FAU ved Høyanger skule  
Jeanette Walsvik, Leiar